



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 261. Quid Confessarius Ecclesiasticorum, Judicum &c. Patrum - filiorum
- familias &c.

urn:nbn:de:hbz:466:1-42433

tatis & innocenter vivat, Confessarius præeat ipsi in actus fidei, spei, charitatis, doloris & propositi, prout capere poterit, sicque dispositum absolvat saltem sub conditione, si capax est, jubeatque communicare. Quod si tam hebet sit ingenio, ut nullam propriam cognitionem de quibusdam mysteriis formare possit, *Tam.* & *Gob. n. 311.* dicunt esse æquiparandum futuro vel infanti, Deus enim à nemine exigit majorem notitiam, quàm per vim intellectus habere possit. Denique si hebetudo oriatur ex senectute, & hic senex prius sciverit ea, quæ sunt scitu necessaria, potest illi impendi absolutio & Communio, quamvis jam non ita clarè videatur ea capere. Si autem antehac non sciverit ista, nec satis christianè vixerit, laborandum, ut citò addiscat, quantum fieri potest, & disponatur ad dolorem, ne accedente majore senio minor sit capacitas.

1810. Q. 261. Quid observare debeat Confessarius Ecclesiasticorum, Judicum, &c. Patrum-filiorum-familias &c. *lx. §. 1.* Ecclesiasticis maximè inculcandum, ut scandala caveant: casti & sobrii sint: officii sui partes maturè expleant; causa enim, cur frequenter omittantur Horæ, plerumque est dilatio in noctem. Materiz præcipuæ, circa quas peccant, sunt simonia, Horæ canonicæ, Missa, habitus & tonsura, administratio Sacramentorum in mortali, pluralitas Beneficiorum sine causa, abusus proventuum ecclesiasticorum, de quibus omnibus videri potest *Busenb. relatus l. 4. n. 1355. & 1370.*

1811. §. 2. In quibus maximè peccent Judices, habes *l. 4. n. 1420. 1428. 1440. 1469.* In quibus Advocati, *ibidem n. 1506.* In quibus Referen-

tes, Secretarii, Notarii, Procuratores, ibidem
n. 1508. In quibus Accusatores, n. 1509. In qui-
bus Testes, n. 1514. In quibus Rei, n. 1521. &
1525. Instructiones speciales pro Judicibus, Se-
natoribus, illustribus personis, habet *Lohner De*
Convers. Apost. p. 2. c. 2. §. 3. & 4. Speciatim au-
tem pro divitibus §. 5. ut opibus bene utantur.

§. 3. In plerisque familiis plùs authorita-
tis habet vir quàm uxor, & tum debet Confes-
sarius magis laborare de viro bene instruendo:
in aliquibus plùs uxor quàm vir, & tum per il-
lam debet quæri bona institutio familiæ. Exa-
men Patris- & Matris-familias potest esse, An
curet, ut subditi præcepta observent, Missas,
Catechismos, Conciones audiant: An eos ni-
mùm oneret: An contumeliis, injuriis, verbe-
ribus afficiat: An peccantes puniat: An permit-
tat lascivas conversationes suorum, turpilo-
quia, blasphemias &c. An in aliquo, sit scanda-
lo domesticis, ac præsertim prolibus. Quid de-
beant præstare famulantibus, dictum est l. 3. p.
1. n. 706. Conjugatorum peccata potissimum
sunt, imprecationes contra conjugem vel pro-
les, mala educatio prolium vel domesticorum,
negata redditio debiti, Usus inhonestus Matri-
monii periculum pollutionis, foetus ejiciendi,
abortus. Quandonam peccent contra justitiam
dilapidando res communes, vel occultè sub-
ducendo aliquid, dixi l. 3. p. 1. à n. 1017.

1812.

1813.

§. 4. Confessario conjugum dabit hæc con-
silia *S. Xaverius apud Turvell. in vita l. 6 c. 17. No-*
li facile conjugis alterius de altero querelis credere, sæ-
pe enim & falluntur & fallunt, sed summâ animi æ-
quitate utrumque audies, nec incognitâ causâ con-
demnabis alterutrum. . . Coram uxore cape, culpam

XXX 5

confe-

conferas in maritum, quamvis haud dubiè penes illum sit culpa, sed re in præsentia suppressâ, deinde sine arbitris eum monebis. §. Omni curâ in id eris intentus, ne uxoris patronus videaris venire contra virum, nam ut mulieres naturâ subimpudentes sunt ac procaces faciliè viris, ipsorum noxas, præsertim Sacerdotum iudicio damnatas objiciunt, quocirca satius est re diffimulatâ observantiam maritus debitam proponere uxoris, & simul demonstrare ipsas, quòd viros suos sepe despiciatui habuerint, gravi utique dignas esse poenâ. Plura documenta pro conjugatis suggerit Lobner suprâ §. 10. à n. 3. Specialiter pro Patribus-familias, §. 6. Pro Matribus-familias, §. 7. Pro viduis, §. 8. Quàm autem fit cautè conversandum cum mulieribus dicam n. 1891.

1814. §. 5. Quoetuplicia sint bona filiorum familias, & quid notandum sit circa eorum furta aut salaria, ad quæ putant se jus habere laborantes in domo paterna, dixi l. 3. p. 1. à n. 1026. 1031. 1034. De famulis & ancillis dictum est ibidem à n. 706. 971. 1037. 1043. Examen filiorum-familias & famulantium maxime fieri debet circa furta & impudicitias: ac signanter reflectendum est, an non sint in proximis occasionibus peccandi, quas, ut absolvi possint, debent actu deserere, aut efficaciter velle ac posse facere remotas, secundùm dicenda n. 1831.

1815. Q. 262. Quid observare debeat Confessarius Medicorum & mercatorum, opificum, militum. R. §. 1. Obligationes & peccata Medicorum, pharmacopœorum, chirurgorum, habes l. 4. n. 1531. Mercatorum, ibidem num. 1539. Et specialiter Mercator graviter peccat, quando paratus est pro merce quodvis pretium, etiam injustum accipere, si possit: Item si falsò juret, & docen-